

KNB-imit akissut

Timmisartuussineq

Nuummi allantikukkut ikaartaatinut qitiusumik mittarfik(2200m)

Pissutsit maannamut ilisimaneqanngitsut ataatsimoortikkaani Allantikukkut ikaartaatinut qitiusumik mittarfiliornissaq, KNB-ip logistikkimut tunngasunut unamminartuutitaanut aaqqiissutissatut pitsaanerpaatut isigineqarsinnaaanngilaaq.

Mittarfeqarfimmi toqqorsiveqarneq

Silarlunnera tunngavigalugu timmisartut taamaatiinnarneqartartut, Kangerlussuarmut sanilliutissagaanni Nuummi amerlanerungaarput. Mittarfinni taaneqartuni toqqorsivinnik ullutsinnut naleqquttunik peqanngilaq. Quit/nillartaatsiviit mittarfinni taaneqartuni piorsarneqartariaqarput, assartukkat ingerlateqqinneqarsinnaanngitsut inissiffissaannik. Toqqorsiviit tamakku tikkineqarsinnaasariaqarput, atorineqarlutillu ilatigut nerisassat uninngasuutit pillugit inatsisit malinneqassappata.

Assartuinnermut akit

Allantikukkut ikaartaatinut qitiusumik Nuummi mittarfeqalissappat, tamanna assartuinnermut akinut sunniuteqarsinnaavoq. Pisiassat akii qaffassappata inuiaqatigiinnut tamanna sunniuteqassaaq nioqqutissanimmi nalinginnaasunik tuniniaaneq sunnerneqarpat, pisisartut eqqorneqassammata. Timmisartukkut assartuinnermut akigitat qaffasereerput, akigitallu sulii qaffaqqissappata, timmisartukkut assartukkat ikilisinnaapput. Timmisartukkut assartukkanut akit qaffappata nioqqutissanik nalinginnaasunik tuniniaasut umiarsuakkut assartuinissaannik pinngitsaalineqarsinnaapput. Umiarsuarmik assartuineq pisiassat akiinut politikkimut sunniuteqarsinnaavoq. Assartuineq allannngortinneqarpat pisiassanik nalinginnaasunik tuniniaasut pisisartullu allanik unamminartunik naapitaqassapput, soorlu naatitat umiarsuarmik assartorneqalissammata, taamaattumillu naatitat sivikitsumik atasinnaasut pisiassanik allanik taarserneqarsinnaapput, immakkut assartuinnerup logistikia eqqarsaatigalugu atanerusinnaasunik.

Nuummi mittarfik(1799m) – København – Keflavik

Aqqutip taassuma siunertaa takusinnaanngilarput, pisiassat nalinginnaasut assartorneqarnerisa logistikia eqqarsaatigalugu. Kalaallit Nunaanni pisiassat nalinginnaasut tunineqartussat puui kalaallisut qallunaatulluunniit nassuiaatitaqartariqarput(varedeklaration), nalunaarut takusiuk: Inuussutissanik allagartalersuisarneq pillugu Namminersornerullutik Oqartussat nalunaarutaat nr.1, 2.februar 1994-meersoq. Tassani nalunaarummi §11-imi pisiassat allagartai pillugit ima allasimasooqarpoq: "kalaallisut imaluunniit qallunaatut imaluunniit allamiut oqaasiisut, annikitsuinnarmik allattaatsikkut qallunaatuumit allaanerusutut, allasimassapput".

Taanna nalunaarut isumaqarpoq, Islandimi nioqqutissianik nalinginnaasunik tunisassanik Kalaallit Nunaanni pisisartunut nioqquteqartoqarsinnaanngitsoq.

Tamatumalu saniatigut nunanit allanit, nunat avannarliit oqaasiinik paasinartunik atuisut avataanit. Ilaasut angalaniaat ullumikkornit allamik periarfissinneqarnissaat, aqqutip taassuma taamaallaat siunertarissavaa. Mittarfeqarnikkut allat siunnersuutigineqartut KNB-ip logistikkikkut unamminartuutitaanut sunniuteqarnaviangillat.

Inerniliineq

Nuummi qitiusumik mittarfik

Nioqqutissanik nalinginnaasunik tunisinerup logistikkianut pitsannguutissatut isiginngilarput, pissutsit maannamut ilisimaneqanngitsut annertuumik sunniuteqarsinnaasut amerlaqimmata. Timmisartuussineq sivikillineqarsinnaagunarpog, nalunaaquttalli akunnialunngui taakku pisiassat atasinnaanerannut/asiulernissaanulluunniit sunniuteqarnaviangillat. Siunnersuutigaarput, maannamut atuuttoq Kangerlussuakkoorluni ingerlassineq atatiinnarneqassasoq, timmisartuussinernik nioqqutissanik nalinginnaasunik assartuisussanik ilallugu, timmisartuussinermillu nutaamik pilersaarusiornermik ilallugu.